

七十二家集

王寧朔集目錄

卷之一

賦

風賦

桐樹賦應竟陵王敎

樂府

齊明王歌辭七首

明王曲

聖君曲

淶水曲

採菱曲

清楚引

長歌引

散曲

三婦艷詩

青青河畔草

同沈右率諸公賦鼓吹曲二首

巫山高

芳樹

臨高臺

望城行

法樂辭十二首

右歌本起

右歌靈瑞

右歌下生

右歌在宮

右歌四遊

右歌出國

右歌得道

右歌雙樹

右歌賢衆

右歌學徒

右歌供具

右歌福應

少年子

江臯曲

思公子

王孫遊

陽翟新聲

永明樂十首

奉和秋夜長

代五雜組

奉和纖纖

詩

贈族叔衛軍

從武帝琅瑯城講武應詔

棲玄寺聽講畢遊邸園七韻應司徒教

雜體報范通直

范雲古意贈王中書附

別蕭諮議

梁武帝答任殿中宗記室王中書別

附

寒晚散和何徵君點

和王友德元古意二首

奉和竟陵王郡縣名

遊仙詩五首

春遊廻文詩

侍遊方山應詔

奉辭鎮西應教

餞謝文學離夜

謝朓答諸君餞別附

和南海王殿下詠秋胡妻七首

琵琶

詠慢

藥名

星名

奉和月下

詠池上梨花

劉繪和王融池上梨花附

詠梧桐

詠女蘿

移席琴室應司徒教

抄衆書應司徒教

自君之出矣

擬古二首

四色詠

離合賦物爲詠

變聲詩

聯句

阻雪連句遙贈和

卷之二

疏

上北伐圖疏

議給虜書疏

請習校部曲疏

表

拜秘書丞謝表

爲王儉讓國子祭酒表

又

獄中據荅表

策問

永明九年策秀才文五首

永明十一年策秀才文五首

卷之三

啓

求自試啓

法門頌啓

謝勅賜御裘等啓

謝勅賜米啓

謝竟陵王示法制啓

謝竟陵王示扇啓

謝竟陵王賜綃裘啓

謝司徒賜紫紵啓

謝武陵王賜弓啓

謝安陸王賜銀鉢啓

書

爲竟陵王與隱士劉虬書

序

三月三日曲水詩序

卷之四

頌

淨行頌三十一首

皇覺辯德篇頌

開物歸信篇頌

滌除三業篇頌

修理六根篇頌

生老病死篇頌

尅責身心篇頌

檢覆三業篇頌

訶詰四大篇頌

出家願善篇頌

在家從惡篇頌

沈寔地獄篇頌

出家懷道篇頌

在家懷善篇頌

三界內苦篇頌

出三界外樂篇頌

斷絕疑惑篇頌

十種慚愧篇頌

極大慚愧篇頌

善友獎勸篇頌

戒法攝心篇頌

自慶畢故止新篇頌

大忍惡對篇頌

緣境無礙篇頌

一志努力篇頌

禮舍利寶塔篇頌

敬重正法篇頌

奉養僧田篇頌

勸請增進篇頌

隨喜萬善篇頌

廻向佛道篇頌

發願莊嚴篇頌

哀策文

皇太子哀策文

墓銘

豫章王墓銘

永嘉長公主墓銘

附錄

王融傳

梁蕭子顯

王融傳

唐李延壽

和王著作融八公山

齊謝朓

傷王元長

梁沈約

遺事

集評

王寧朔集卷之一

齊瑯琊王融元長著

明閩漳張爕紹和纂

賦

風賦

奄今日采之旣移忽兮群景之將馳靡輕筠之  
碧葉汎曾松之翠枝總高羽而蕭瑟韻珠露之  
參差此烈士之英風長寥亮其如斯

桐樹賦應竟陵王敎

梧桐生矣於邱岫之曾隈儀龍門而挿榦佇鳳  
羽以抽枝蹤楚宮而留稱藉溜館以飏聲直不  
繩而特秀圓匪規而天成同歲草以萎暮共辰  
物而滋榮豈遠心以自外寧有志於孤貞

樂府

齊明王歌辭七首

應司徒敎作  
以下五言

明王曲

明王日月照至樂天地和幸息雲門吹復歇咸  
池歌桂序金匏轉瑤軒絲石羅朱騏步躑躅玄  
鶴舞蹉跎露凝嘉草秀煙度醴泉波皇基方萬  
祀齊民樂如何

聖君曲

聖君應昌歷景祚啓休期龍樓神睿道堯園仁

義基海蕩萬川集山崖百草滋盤苗成萃止渝  
韞異來思清明動離軫威惠被殊辭大哉君爲  
后何羨唐虞時

淥水曲

湛露改寒司交鶯變春旭瓊樹落晨紅瑤塘水  
初淥日霽沙激明風泉動華燭遵渚泛蘭觴乘  
漪弄清曲斗酒千金輕寸陰百年促何用盡歡  
娛王度式如玉

採菱曲

炎光銷玉殿涼風吹鳳樓雕輦

一作青輅

儵平隰朱

權泊安流金華妝翠羽鷁首盡飛

一作龍

舟荆姬

採菱曲越女江南謳騰聲翻葉靜散響谷雲浮  
良時時一遇佳人難再求

### 清楚引

平原數千里飛觀鬱岩岩清月何將曙浩露零  
中宵轉葉度沙海別羽自冰遼四面通寒色左  
右竟嚴飈嶠澗多榛梗京索久塵苗逝將憑神  
武奮劍盪遺妖

長歌引

周雅聽休明齊德觀升平紫煙四時合黃河萬  
里清翠柳蔭通街朱闕臨高城方轂雷塵起接  
袖風雲生酣笑爭日夕絲管互逢迎徂年無促  
慮長歌有餘聲

散曲

金枝湛明燦繡幕裂芳然層闥橫綠綺曠席緬  
朱纒楚調廣陵散瑟柱秋風弦輕裾中山麗長  
袖邯鄲妍徐歌駐行景迅節淪浮煙言願聖明

王承永萬斯年

三婦艷詩

大婦織綺羅中婦織流黃小婦獨無事挾瑟上  
高堂丈人且安坐調弦詎未央

青青河畔草

容容寒煙起翹翹望行子行子殊未歸寤寐君  
一作容輝夜中心愛促覺後阻河曲河曲萬里

餘情交襟袖疎珠露春華返璿霜秋照一作桂晚

入室怨蛾眉情歸爲誰婉

同沈右率諸公賦鼓吹曲二首

巫山高

諸公詩別見謝  
沈二集此不載

想像

一作  
髣髴

巫山高薄暮陽臺曲煙霞乍舒卷蘅

芳自斷續彼美如可期寤言紛在矚憮然坐相  
思秋風下庭綠

芳樹

相望早春日煙華雜如霧復此佳麗人含情結  
芳樹綺羅已自憐暄風多有趣去來徘徊者佳  
人不可遇

臨高臺

遊人欲騁望積步上高臺并蓮當夏吐窓桂逐  
秋開花飛低不入鳥散遠時來還看雲棟影含  
月共徘徊

望城行

金城十二重雲氣出表裏萬戶如不殊千門反  
相似車馬若飛龍長衢無極已簫鼓相逢迎信  
哉佳城市

法樂辭十二首

天長命自短世促道悠悠禪衢開遠駕愛海亂  
輕舟累塵曾未極心樹豈能籌情埃何用洗正  
水有清流

右歌本起

百神肅以虔三靈震且越恒曜拚芳宵薰風動  
蘭月丹榮藻玉墀翠羽文珠闕皓毳非虛來交  
輪豈徒發

右歌靈瑞

韶年春已仲明星夜未央千祀鍾休曆萬國會

嘉祥金容潤夕景翠鬢佩晨光表塵維淨覺汎  
俗迴輪皇

右歌下生

襲氣變離宮重栢驚層殿曼響感心神脩容轉  
惟宴生老終已縈死病行當薦方爲淨國遊豈  
結危城戀

右歌在宮

春枝多病天秋葉少欣榮心骸終委滅親愛暫  
平生長風吹北隴迅瀑急東瀛知三旣情暢得

一乃身貞

右歌四遊

飛策辭國門端儀偃郊樹慈愛徒相思閨中空  
戀慕夙隸乖往塗駿足獨歸路舉袂謝時人得  
道且還去一作顧

右歌出國

明心弘十力寂慮安四禪青禽承逸軌文驪一作  
鑣鏡重川鷺巖標遠勝鹿野究清玄不有希世  
寶何以導濛泉

右歌得道

亭亭雙月流朏朏晨霜結川上不徘徊條間亟  
湔滅靈知湛常然符應有盈缺感運復來儀日  
厭人間世音世

右歌雙樹

春山玉所府檀林芳所棲引火歸炎燧挹水自  
清隄菴園無異轍祇館有同躋比肩非今古接  
武豈燕齊

右歌賢衆

昔余輕歲月茲也重光陰  
閨中屏鉛黛闕下挂纓簪  
禪悅兼芳旨法言戀一作志  
清琴一異非能辨寵辱誰爲心

右歌學徒

峻宇臨層穹苕苕疎遠風  
騰芳清漢裏響杳高雲中  
金華紛苒若瓊樹鬱青葱  
貞心延淨境邃業嗣天宮

右歌供具

影響未嘗隔晦明殊復親  
弘慈邈已遠睿后扇

高塵區中覩景福寓外涉深仁萬祀留國祚億  
兆慶唐民

右歌福應

少年子

聞有東方騎遙見上頭人待君送客返桂釵當  
自陳

江臯曲

林斷山更續洲盡江復開雲峰帝鄉起水源桐  
柏來

思公子

春盡風颯颯蘭凋木脩脩王孫久爲客思君徒  
自憂

王孫遊

王臺作  
春遊

置酒登廣殿開襟望所思春草行已歇何事久  
佳期

陽翟新聲

隋書翟  
作澤

懷春發下蔡含笑向陽城耻爲飛雉曲好作鷓  
雞鳴

永明樂十首

玄符昭景歷茂實偶英聲長爲南山固永與朝  
日明

靈丘比翼棲芳林合條起兩代分憲章一朝會  
青軌

二離金玉相三袞蘭蕙芳重儀文世子再奉東  
平王

空谷返逸驂陰山響鳴鶴振玉躡丹墀懷芳步  
青閣

崇文晦已明膠庠雜復整弱臺留折巾沂川詠  
芳穎

定林去喧俗鹿野出埃霞香風流梵瑄澤雨散  
雲花

楚望傾澠滌日館仰鑒鈴已晞五雲發方照兩  
河清

幸哉明盛世壯矣帝王居高門夜不析飲帳曉  
長舒

總棹金陵渚方駕玉山阿輕露炫珠翠初風搖

綺羅

西園抽蕙草北沼掇芳蓮  
生逢永明樂死日生之年

奉和秋夜長

王臺作  
秋夜

秋夜長夜長樂未央  
舞袖拂花燭歌聲繞鳳梁

代五雜組

五雜組慶雲發徃復還  
經天月不獲已生胡越

奉和織織

兩頭織織綺上紋  
半白半黑鷁翔群  
膈膈膊膊

王寧朔集

卷一

十

烏迷矐磊磊落落玉石分

詩

贈族叔衛軍

台曜澄華鉉岳裁峻經天爲象麗地作鎮不器  
其德有斐斯文質超瑚璉才逸卿雲握筆泉瀉  
動詠霓紛德聲伊何如蘭之宜貞筠抽箭潤壁  
懷山六樂畢該五禮備貫七訓是敷三英有粲  
惟旦惟公惟公惟旦

從武帝琅琊城講武應詔

治兵聞魯策訓旅見周篇教民良不棄任智理

恒全白日映丹羽  
頽霞文翠旃  
凌山炫組甲  
帶水被戈船  
凝葭鬱摧愴  
清管乍聯綿  
早逢文化洽  
復屬武功宣  
願陪玉鑾右  
一舉掃燕然

棲玄寺聽講畢遊邸園七韻應司徒教

道勝業茲遠  
心閒地能曠  
桂檄鬱初裁  
蘭墀坦將闢  
虛檐對長巔  
高軒臨廣液  
芳草列成行  
嘉樹紛如積  
流風轉還逕  
清煙泛喬石  
日汨山照照  
紅松暎水華  
碧暢哉人外  
賞遲遲眷西夕

雜體報范通直

和璧荆山下隋珠漢水濱無雙自昔代有美今  
爲隣三楚多秀士江上復才人緯蕭非善賈聖  
德可名臣追飛且學步共子奉清塵紫庭風日  
好青槐枝葉新徘徊吹樓側欲見心所親  
蘭蕙草何用以書紳

范雲古意贈王中書附

攝官青瑣闥遙望鳳皇池誰云相去遠脉脉  
阻光儀岱山饒靈異沂水富英奇逸翮凌北  
海搏飛出南皮遭逢聖明后來棲桐樹枝竹

花何莫莫桐葉何離離可栖復可食此外亦  
何爲豈知鷓鴣者一粒有餘資

別蕭諮議

徘徊將所愛惜別在河梁衿袖三春隔江山千  
里長寸心無遠近邊地有風霜勉哉勤歲暮敬  
矣事

玉臺作愼

容光山中殊未憚杜若空自芳

梁武帝答任殿中宗記室王中書別附  
問我去何節光風正悠悠蘭華時未晏舉袂  
徒離憂緩客承別酒鳴琴和好仇清宵一已

曙藐爾泛長洲眷言無歡緒深情附還流

寒晚敬和何徵君點

疎酌候冬序閒琴改秋律如何將暮天復值西  
歸日摧落迎軒湍飛鳴亂繩葦煙灌共深陰風  
篴兩蕭瑟虛堂無笑語懷君首如疾早輕北山  
賦晚愛東臯逸上德可潤身下澤有徐轡

叶音必

和王友德元古意二首

遊禽暮知返行人獨未歸坐銷芳草氣空度明  
月輝頻容入朝鏡思淚點春衣巫山彩雲沒淇

上綠楊稀待君竟不至秋鴈雙雙飛

霜氣下盟津秋風度函谷念君淒以寒當軒卷  
羅縠纖手廢裁縫曲鬢罷膏沐千里不相聞寸  
心鬱紛蘊平聲况復飛螢夜木葉亂紛紛

奉和竟陵王郡縣名

追芳承荔浦揖道訊虛丘升裾臨廣牧從望盡  
平洲曾山臨翠坂方渠緬清流陽臺翻早茂陰  
館懷名秋歲宴東光弭景仄西華收端溪慙昔  
彥測水謝前脩往食曲阜盛今屬平臺遊燕棠

缺初難鄭衮息遺詔久傾信都美乃結茂陵僊  
河間誠可詠南海果難遊

遊仙詩五首

桃李不奢年桑榆多暮節常恐秋蓬根連翩因  
風雪習道遍槐岷追仙度瑤碣綠帙啓真詞丹  
經流妙說長河且已縈曾山方可礪

叶音列

獻歲和風起日出東南隅鳳旂亂煙道龍駕溢  
雲區結賞自員嶠移讌乃方壺金卮浮水翠玉  
畢挹泉珠徒用霜露改終然天地俱

命駕瑤池隈過息羸女臺長袖何靡靡簫管清  
且哀壁門涼月舉珠殿秋風迴清鳥驚高羽王  
母停玉杯舉手暫爲別千年將復來

湘沅有蘭芷汨吾欲南征遺珮出長浦舉袂望  
增城朱霞拂綺樹白雲照金楹五芝多秀色八  
桂常冬榮弭節且夷與參差聞鳳笙

命駕隨所卽燭龍導輕鑣沙澤振寒草弱水駕  
冰潮遠翔馳聲響流雪自飄颻忽與若士遇長  
舉入雲霄羅繹徒有睨蛟螭已寥寥

春遊廻文詩

枝分柳塞北葉暗榆關東垂條逐絮轉落蕊散  
花叢池蓮照曉月慢錦拂朝風低吹雜綸羽薄  
粉艷粧紅離情隔遠道歎結深閨中

侍遊方山應詔

巡躅望登年帳飲臨秋縣日羽鏡霜濤雲旗落  
風甸四瀛良在目八寓宛如見小臣竊自嘉預  
奉柏梁讌

奉辭鎮西應教

未學謝能筭高義幸知遊雷庭參辯爽梁苑豫  
才鄒徘徊歲光晚搖落江樹秋風旗縈別浦霜  
瑄迺遙洲

餞謝文學離夜

所知共歌咲誰忍別笑歌離軒思黃鳥分渚菱  
青莎翻情結遠旆灑淚與行波春江夜明月還  
望情如何

謝朓荅諸君餞別附

春夜別清樽江潭復爲客歎息東流水如何

故鄉陌重樹日芬藍芳洲轉如積望望荆臺  
下歸夢相思夕

和南海王殿下詠秋胡妻七首

日月共爲照松筠俱以貞佩紛甘自遠結鏡待  
君明且協金蘭好方愉琴瑟情佳人忽千里幽  
閨積思生

景落中軒坐悠悠望城闕高樹升夕煙層樓蒲  
初月光陰非或異山川屢難越輟泣拚鈿姿搔  
首亂雲髮

傾魄屬狙火摧念待方秋涼氣承宇結明熠燿  
堦流三星亦虛暎四屋慘多愁思君如萱草一  
見乃忘憂

杼軸鬱不諧契濶彌新故朔風欄上發寒鳥林  
間度客遠乏衣裘歲晏饒霜露參差興別緒依  
遲起離墓

願言如可信行邁亦云反睇景不告勞瞻途寧  
遽遠何以淹歸轍蠶妾事春晚送目亂前華馳  
心迷舊婉

椒珮容有結振芳跂路間黃金徒以賦白珪終  
不渝明心良自皎安用久踟躕逆車及枌巷流  
日下西虞

披帷懷有望出門遲所欲彼美復來儀慙顏變  
欣矚蘭艾隔芳臭涇渭分清濁去去夫人子請  
殉川之曲

琵琶

同賦諸  
公別見

抱月如可明懷風殊復清絲中傳意緒花裏寄  
春情掩抑有奇態悽鏘多好聲芳袖幸時拂龍

門空自生

詠幔

古文苑  
作謝朓

幸得與珠綴  
幕塵君之楹  
月映不辭卷  
風來輒自輕  
每聚金鑑氣  
時駐玉琴聲  
但願置尊酒  
蘭缸當夜明

藥名

重臺信嚴敞  
陵澤乃閒荒  
石蠶終未蛰  
垣衣不可裳  
秦芎留近詠  
楚蘅摺遠翔  
韓原結神草  
隨庭銜夜光

星名

眇歎屬辰移端憂臨歲永久慙入漢客每愧遵  
河影仙羽誠不退蓬襟良未整誰謂無正心大  
陵有霜頽

奉和月下

雕雲度綺錢香風入珠網獨知此夜月依遲慕  
神賞

詠池上梨花

翻堦沒細草集水間疎萍芳春照流雪深夕映

三金詩集  
卷一  
繁星

劉繪和王融池上梨花附

露庭晚翻積風閨夜入多縈  
蕤似亂蝶拂燭  
狀聯蛾

詠梧桐

騫鳳影層枝輕虹鏡展綠豈  
斲龍門幽直慕璵  
池曲

詠女蘿

鼎屋女蘿草蔓衍旁松枝含  
煙黃且綠因風卷

復垂

移席琴室應司徒教

雪崖似留月蘿徑若披雲潺湲石溜寫綿巒山  
雨聞

抄衆書應司徒教

說禮固多才惇詩信爲善巖笥發仙華金滕開  
碧篆

自君之出矣

自君之出矣芳莢絕瑤卮思君如形影寢興未

曾離

自君之出矣金鑪香不然思君如明燭中宵空  
自煎

擬古二首

花帶今何在亦是林下生何當垂雙髻團扇雲  
間明

鏡臺今何在寸身正相隨何當碎聯玉雲上壁  
已虧

四色詠

赤如城霞起青如松霧澈黑如幽都雲白如瑤池雪

離合賦物爲詠

冰容慙遠鑒水質謝明暉是照相思夕早望行

人歸

火

雙聲詩

園蘅眩紅礪湖荇燁黃華迴鶴橫淮翰遠越合雲霞

聯句

阻雪連句遙贈和

積雪皓陰池北風鳴細枝九達密如繡何異遠

別離

謝朓

風庭舞流霰冰沼結文澌飲春雖以煥

欽賢紛若馳

江秀才

珠璫條間響玉溜檐下垂杯

酒不相接寸心良共知

王丞融

飛雲亂無緒結冰

明曲池雖乖促席讌白首信勿虧

王蘭陵僧孺

飄素

瑩簷溜巖結噎通岐罇壘如未澣况乃限音儀

謝洗馬昊

原隰望徙倚松筠竟不移隱憂慙萱樹忘

懷待山卮劉中書繪初昕逸翮舉日昃駑馬疲幽山

有桂樹歲暮方參差沈右率約

王寧朔集卷之二

齊瑯琊王融元長著

明閩漳張燮紹和纂

疏

上北伐圖疏

臣聞情愔自中事符則感象構於始機動斯彰  
莊敬之道可宗會揖讓其彌肅勇烈之士足貴  
應輦鐸以增思肇植生民厥詳旣緬降及興運  
維道有徵莫不有所因循而升皇業者也若夫

膏腴旣稱天乙知五方之富皮幣已列帝劉測  
四海之尊異封禪之文則升中之典攸鬯嘆興  
地之圖乃席捲之庸是立伏惟陛下窮神盡聖  
總極居中偶化兩儀均明二曜拯玄綱於頽絕  
反至道於澆淳可謂區宇儀刑齊民先覺者也  
臣亦遭逢生此嘉運鑿飲畊食自幸唐年而識  
用昏霾經術疎淺將邁且軻豈蕨與薇皇鑒燭  
幽天高聽下賞片言之或善矜一物之失時前  
拂塵蒙霑飾光價拔足草廬厠身朝序復得拜

賀歲時瞻望日月於臣心願曾已畢矣但千祀  
一逢休明難再思策鉛駑樂陳涓塹竊習戰陳  
攻守之術農桑牧藝之書申商韓墨之權伊周  
孔孟之道常願待詔朱闕俯對青蒲請閑宴之  
私談當世之務位賤人微徒深傾欵方今九服  
清怡三靈和晏木有附枝輪無異轍東鞮獻舞  
南辯傳歌羗棘踰山秦屠越海舌象翫委體之  
勤輶譯厭瞻巡之數固將開桂林於鳳山創金  
城於西守而蠢爾獯狄敢讎大邦假息關河竊

命函谷淪故京之爽塏變舊邑而荒涼息反坫  
之儒衣久伊川之被髮北地殘民東都遺老莫  
不如泣吞悲傾耳戴目翹心仁政延首王風若  
試馳咫尺之書具甄戎旅之卒徇其墜城納其  
降虜可弗勞弦鏃無待于戈真皇王之兵征而  
不戰者也臣乞以執殳先邁式道中原澄瀚渚  
之恒流掃狼山之積霧係單于之頸屈左賢之  
膝習呼韓之舊儀拜鑾輿之巡幸然後天移雲  
動勒封岱宗咸五登三追蹤七十百神肅警萬

國具條瓊弁星離玉帛雲聚集三燭於蘭席聆  
萬歲之禎聲豈不盛哉豈不臧哉昔桓公志在  
伐莒郭牙審其幽趣魏后心存去漢德祖究其  
深言臣愚昧忖誠不足以知微然伏揆聖心規  
模宏遠旣圖載其事必克就其功臣不勝歡喜

議給虜書疏

虜使遣求書朝議欲  
不許融上疏請許之

臣側聞僉議疑給虜書如臣愚情切有未喻夫  
虜人面獸心狼猛蜂毒暴悖天經虧違地義通  
竄燭幽去來幽朔綿周漢而不悛歷晉宋其踰  
梗豈有愛敬仁智恭讓廉脩慙犬馬之馴心同  
鷹虎之反目設梟秣有儲筋竿足用必以草竊  
關燧寇擾邊疆寧容款塞卑辭承衣請朔陛下  
務存遵養不時侮亡許其膜拜之誠納裘之費

况復願同文軌儻見款遣思奉聲教方致猜拒  
將使舊邑遺逸未知所寘衰胡餘煦或能自推  
一令蔓草難鉏涓流泛酌豈直濟癢輕病容爲  
心腹重患抑孫武之言也困則數罰窘則多賞  
先暴而後畏其衆者虜之謂乎前中原士庶雖  
淪懾殊俗至於婚葬之晨猶巾幘爲禮而禁令  
苛刻動加誅轅于時獯粥初遷犬羊尙結卽心  
徒怨困懼成逃自其將卒奔離資時銷闕北畏  
勅蠕西逼南胡民背如崩勢絕防斷於是曲從

物情僞竊章服歷年將絕隱蔽無聞旣南向而  
泣者日夜以覬北顧而辭者江淮相屬凶謀歲  
窘淺慮無方於是稽顙郊門問禮求樂若來之  
以文德賜之以副書漢家軌儀重歸畿輔司隸  
傳節復入關河無待八百之師不期十萬之衆  
固其提漿佇俟揮戈願倒三秦大同六漢一統  
又虜前後奉使不專漢人必介以匈奴備諸覘  
獲且設官分職彌見其情抑退舊苗扶任種戚  
師保則后族馮晉國總錄則邽姓直勒渴侯台

鼎則丘頽苟仁端執政則日凌鉗耳至於東都  
羽儀西京簪帶崔彥伯程虞釁久在著作李元  
和郭季祐上于中書李思冲飾虜清官游明根  
泛居顯職今經典遠被詩史北流馮李之徒必  
欲遵尚直勒等類居致乖阻何則匈奴以氈騎  
爲帷床馳射爲糗糧冠方帽則犯沙陵雪服左  
袵則風飄鳥逝若衣以朱裳戴之玄冕節其揖  
讓教以翔趨必同艱桎梏等懼冰淵婆娑蹉躅  
困而不能前已及夫春草水生阻散馬之適秋

風木落絕驅禽之歡息涕脣於桑墟別隄乳於  
冀俗聽韶雅如隴賸臨方丈若爰君馮李之徒  
固得志矣虜之凶族其如病何於是風土之思  
深懷戾之情動拂衣者連裾抽鋒者比鏃部落  
爭於下酋渠危於上我一舉而兼吞卞莊之勢  
必也且棘寶薦虞晉疆彌盛大鍾出智宿氏以  
亡帝略遠乎無思不服鑾光幸侂匪暮斯朝臣  
請收籍伊瀍茲書復掌猶取之內府藏之外籙  
於理有愜卽事何損若狂言足採請決敕施行

請習校部曲疏

臣每覽史傳見憂國忘家捐生報德者未嘗不撫卷歎息以爲今古共情也然或以片言微感一食小惠參國士之眚同布素之遊耳豈有如臣獨拔無聞之伍過超非分之位名器雙假榮祿兩升而宴安易罷之晨優游旰食之日所以敢布丹愚仰聞宸聽今議者或以西夏爲念臣竊謂之不爾其故何哉陛下聖明群臣悉力順以制逆上而御下指開賞黜之言微示生死之

路方域之人皆相爲敵旣兵威遠臨人不自保  
雖窮鳥必啄固等命於梁鶻困獸斯驚終並懸  
於厨鹿飢師勞飲固不待晨臣之寸心獨有微  
願自儉狃荐食荒侮伊瀍天道禍淫危亡日至  
毋后內難兵力外虛謠言物情屬當今會若藉  
巫漢之歸師騁士卒之餘憤取函谷如反掌陵  
關塞若摧枯但士非素蓄無以卽用不教民戰  
是實棄之特希私集部曲豫加習校若蒙垂許  
乞隸監省拘食人身權備石頭防衛之數臣少

重名節早習軍旅若試而無績伏受面欺之誅  
用且有功仰酬知人之哲

表

拜秘書丞謝表

臣聞升離戒晨陰牆不照其景膚雲停夕幽草  
或漏其津至如明兼就日澤深行雨不有聖德  
誰或其然所以欽至道而出青臯捨布衣而望  
朱闕懷祿仕在代耕期榮不謀入用豈悟特擢  
之例事均延祖置左之恩任光元幹踰溢情涯  
普燭身表畏翹車而必讓誠濡翼之願辭既聖  
主謂其可施故愚臣默思自勉

爲王儉讓國子祭酒表

竊以庠均義重振古所崇資師道尊有來攸尙  
匪曰蘭芷疇變入室之情不自朱藍何遷素絲  
之質况臣仁慙富侶德謝潤身識陋令經器非  
匪重何以昇墜道於殊年反斯文於遙日將使  
良璣脩竹無增瑩羽敬遜務時遂竊星歲

又

臣聞脩无方湛弱露霑而取覆懸衡紀正輕塵  
委而必移况臣才非應俗用乖知治取其集冰  
飲水旌懸輪驚方臣之念未足言矣

獄申據荅表

囚寔頑蔽觸行多讐但夙參門素得奉教君子  
爰自總髮迄將立年州閭鄉黨見許愚慎朝廷  
衣冠謂無豐咎過蒙大行皇帝獎育之恩又荷  
文皇帝識擢之重司徒公賜預士林安陸王曲  
垂眄接旣身被國慈必欲以死自効前後陳伐  
虜之計亦仰簡先朝今段犬羊乍擾紀僧真奉  
宣先敕賜語北邊動靜令囚草撰符詔于時卽  
因啓聞希侍鑾輿及司徒宣敕招募同例非一

實以戎事不小不敢承教續蒙軍號賜使招集  
街敕而行非敢虛扇且格取亡叛不限僉楚狡  
弄聲勢應有形迹專行權利又無贓賄反覆脣  
齒之間未審悉與誰言傾動頰舌之內不容都  
無彼此但聖主膺教實所沐浴自上甘露頒及  
銀甕啓三日詩序接虜使語辭竭思稱揚得非  
誹謗且王公百司唯賢是與高下之敬等秩有  
差不敢踰濫豈應訛毀因才分本劣謬被策用  
悚忤之情夙宵兢惕未嘗誇示里閭彰曝遠邇

自循自省並愧流言良由緣淺寡虞致貽譴謗  
伏惟明皇臨宇普天蒙澤戊寅赦恩輕重必宥  
百日曠期始蒙旬日一介罪身獨嬰憲劾若事  
實有徵爰對有在九死之日無恨泉壤

策問

永明九年策秀才文五首

問秀才高第明經朕聞神靈文思之君聰明聖德之后體道而不居見善如不及是以崆峒有順風之請華封致乘雲之拜或揚旌求士或設簾待賢用能敷化一時餘烈千古朕寅奉天命恭惟永圖審聽高居載懷祗懼雖言事必史而象闕未箴寤寐嘉猷延佇忠實子大夫選名升學利用賓王懋陳三道之要以光四科之首鹽

梅之和屬有望焉

又問昔周宣情千畝之禮號公納諫漢文缺三  
推之義賈生直言良以食惟民天農爲政本金  
湯非粟而不守水旱有待而無遷朕式照前經  
寶茲稼穡祥正而青旗肅事土膏而朱紘戒典  
將使杏花菖葉耕穫不愆清畊冷風述遵無廢  
而釋耒佩牛相公莫反兼貧擅富浸以爲俗若  
爰井開制懼驚擾愚民瀉鹵可腴恐時無史自  
興廢之術矢陳厥謀

又問議獄緩死大易深規敬法卹刑虞書茂典  
自氓俗澆弛法令滋彰肺石少不寃之民棘林  
多夜哭之鬼朕所以明發動容具食興慮傷秋  
荼之密網惻夏日之嚴威永念畫冠緬追刑厝  
徒以百鍤輕科及行季葉四支重罰爰創前古  
訪遊禽於絕澗作霸秦基歌雞鳴於闕下稱仁  
漢牘二途如爽卽用兼通昌言所安朕將親覽  
又問聚人曰財次政曰貨泉流表其不匱懋遷  
通其有無旣龜貝積寢緡繯專用世代茲多銷

漏參倍下貧無兼辰之業中產闕存歲之貲惟  
瘼卹隱無捨矜歎上帝溥臨賜朕休寶卬斜之  
谷開而出銅且有後命事茲鎔範克都內之金  
紹園府之職但赤仄深巧學之患榆莢難輕重  
之權開塞所宜悉心以對

又問治曆明時昭遷革之運改憲勅法審刑德  
之原分命顯於唐官文條炳於鄒說及囑夷廢  
職昧谷虧方漢秉素祗之徵魏稱黃星之驗紛  
譁空軫疑論無歸朕獲纂洪基思弘至道庶令

日月休徵風雨玉燭克明之旨弗遠欽若之義  
德還於予大夫何如哉其驅翰改色寅丑殊建  
別白書之

永明十一年策秀才文五首

問秀才朕秉籙御天握樞臨極五辰空撫九序  
未歌至於思政明臺訪道宣室若墜之惻每勤  
如傷之念恒軫故恤貧綬賦省徭慎獄幸四境  
無虞三秋式稔而多黍多稌不興兩穗之謠無  
褐無衣必盈七月之歎豈布政未優將疲民難  
業登爾於朝是屬宏議罔弗同心以匡厥辟  
又問惟王建國惟典命官上叶星象下符川嶽  
必待天爵具脩人紀咸事然後浚才授位揆務

分司是以五正置於朱宣下民不忒九工開於  
黃序庶績其凝周官三百漢位兼倍歷茲以降  
游情寔繁若閑冗畢棄則橫議無已冕笏不澄  
則坐談彌積何則可脩善詳其對

又問昔者賢牧分陝良守共治下邑必樹其風  
一鄉可以爲績至有月撫鳴琴日置醇酒文而  
無害嚴而不殘故能出人於阨危之域躋俗於  
仁壽之地是以賈誼有言下之有惡吏之罪也  
頃深汰珪符妙簡銅墨而春雉未馴秋螟不散

入在朕前湊其智略出連城守闕爾無聞豈薪  
槲之道未弘爲網羅之目尙簡悉意正辭無侵  
執事

又問朕聞上智利民不述於禮大賢彊國罔圖  
惟舊豈非療饑不期於鼎食拯溺無待於規行  
是以三王異道而共昌五霸殊風而並烈今農  
戰不脩文儒是競棄本徇末厥獎滋多昔宋臣  
以禮樂爲殘賊漢主比文章於鄭衛豈欲非聖  
無法將以旣道而權今欲專士女於耕桑習鄉

閭以弓騎五都復而事庠序四民富而歸文學  
其道奚若爾無而從

又問自晉氏不綱關河蕩析宋人失馭淮汴崩  
離朕思念舊民永言攸濟故選將開邊勞來安  
集加以納款通和布德脩禮歌皇華而遣使賦  
膏雨而懷賓所以關洛動南望之懷獯夷遽北  
歸之念夫危葉長風驚禽易落無待干戈聊用  
辭辯片言而求三輔一說而定五州斯路何階  
人誰或可進謀誦志以沃朕心